

**TEKS UCAPAN**

**BRIG. JEN. DATUK PROF. DR. KAMARUDIN HUSSIN**

**NAIB CANSOLOR UniMAP**

**SEMPENA MAJLIS PERASMIAN PENUTUP FESTIVAL  
KONVOKESYEN KE-8 UniMAP**

**DI PERKARANGAN DATARAN DATO` SHEIKH AHMAD KANGAR,  
PERLIS**

**PADA 22 SEPTEMBER 2013**

Assalamualaikum Warahmatullahi Wabarakatuh, Salam Sejahtera  
dan Salam Satu Malaysia

**Salam Ilmu, Keikhlasan, Kecemerlangan UniMAP**

**SALUTASI RASMI**

Yang Berbahagia Prof. Madya Dr. Mohd Fo'ad Sakdan, Timbalan  
Naib Canselor (Hal Ehwal Pelajar dan Alumni) UniMAP

Yang Berusaha Encik Zuber Bin Haji Mohamad, Timbalan  
Pendaftar UniMAP,

Yang Berusaha Puan Saodah Hassan, Bendahari UniMAP,

Yang Berusaha Puan Mazmin Mat Akhir, Pustakawan Kanan  
UniMAP,

Yang Berusaha Penolong-Penolong Naib Canselor UniMAP,

Dekan-dekan dan Ketua-ketua Jabatan,

Wakil-wakil media

Seterusnya para pelajar Universiti Malaysia Perlis dan para hadirin yang saya kasihi sekalian.

Good Evening, Wan Shang Hao, Maalai Vanakam, Ma Sa An Khair.

### **KATA ALUAN**

1. Alhamdulillah, bersyukur ke hadrat Ilahi kerana dengan limpah dan kurniaNya, dapat kita bersama-sama pada malam yang berbahagia ini dalam Perasmian Penutup Festival Konvokesyen Ke-8 UniMAP. Sepanjang minggu ini juga cuaca begitu baik dan memberi peluang kepada warga UniMAP terutama graduan-graduan yang diraikan merayakan Konvokesyen masing-masing dengan penuh gembira.
2. Syukur juga saya panjatkan kepada Allah S.W.T kerana semua empat sidang konvokesyen berlangsung dengan baik dan berdoa semoga konvokesyen pada kali ini menjadi satu kenangan yang manis buat semua. Setinggi-tinggi tahniah kepada 1,894 graduan UniMAP yang telah bergraduat pada Istiadat Konvokesyen Ke-8 UniMAP yang berlangsung pada semalam dan hari ini.

3. Di kesempatan ini ingin saya merakamkan setinggi-tinggi tahniah kepada barisan Jawatankuasa Pelaksana Festival Konvokesyen Ke-8 UniMAP dan Jabatan Hal Ehwal Pelajar dan Alumni (JHEPA) yang telah bertungkus lumus memastikan kelancaran perjalanan FESTKON 8 UniMAP ini.

Hadirin dan hadirat sekalian

### **FESTIVAL KONVOKESYEN KE-8 UniMAP**

4. Seperti yang telah kita sedia maklum, penganjuran Festival Konvokesyen ini diuruskan keseluruhannya oleh para pelajar UniMAP. Sesungguhnya, saya sebagai Naib Canselor amat berbangga dengan pelajar-pelajar UniMAP apabila berjaya menguruskan penganjuran satu acara yang begitu gilang gemilang sempena Konvokesyen Ke-8 UniMAP pada tahun ini.
5. Apatah lagi anda semua tidak mempunyai pengalaman langsung dalam mengendalikan acara seperti ini, tetapi dengan tekad dan semangat untuk belajar segala cabaran berjaya ditempuhi dan lihatlah buktinya, FESTIVAL KONVOKESYEN UniMAP dianjurkan dengan jayanya.
6. Alhamdulillah, kejayaan anda semua ini menterjemahkan hasrat dan misi UniMAP selama ini iaitu melahirkan graduan yang bukan sekadar cemerlang dari aspek pendidikan tetapi juga sahsiah diri. Semoga, kejayaan ini akan menjadi satu

contoh teladan yang baik untuk “para junior” UniMAP. Pelajarilah seberapa banyak ilmu dari “senior-senior” anda kerana pada tahun hadapan, amanah ini akan dipikul oleh anda pula. Kerana inilah tradisi UniMAP, memberikan kepercayaan penuh kepada pelajar untuk mengendalikan program Festival Konvokesyen.

Hadirin dan hadirat sekalian

### **NURTURING ENTREPRENEURIAL MINDS**

7. Saya difahamkan, sasaran pengunjung selama enam hari festival ini berlangsung telah melebihi sasaran yang kita tetapkan iaitu kira-kira 11,000 pengunjung sepanjang enam hari festival ini berlangsung. Saya percaya ini kerana pemilihan acara yang dilakukan pihak sekretariat berjaya menarik minat lebih ramai warga Perlis dari pelbagai peringkat umur untuk datang dan melihat serta menyertai pertandingan yang telah dianjurkan. Saya berharap pada penganjuran akan datang, akan ada lebih banyak lagi program yang boleh melibatkan semua peringkat warga Perlis ini.
8. Memang menjadi harapan kita agar masyarakat Perlis untuk turut serta dalam segala aktiviti atau program selari dengan tema FESTKON Ke -8 ini adalah “**Bersama Memacu Transformasi**”. UniMAP sentiasa mengalu-alukan dan berbesar hati untuk bersama-sama warga Perlis membantu

membangunkan universiti yang menjadi salah satu mercu tanda negeri yang kita sayangi ini. Semoga lebih banyak lagi aktiviti bersama antara UniMAP dan masyarakat Perlis akan dapat diadakan pada masa akan datang, In Sha Allah.

9. Selain itu, saya juga dimaklumkan bahawa para peniaga di gerai Festival Konvo ini berjaya memperoleh kutipan kasar berjumlah RM30,000. Tahniah saya ucapkan kepada semua peniaga, di sini secara tidak langsung kita dapat lihat, penganjuran FESTKON 8 ini memberikan peluang kepada para peniaga di negeri ini untuk mencari rezeki lebih sepanjang festival ini dan kita juga dapat melihat, apa yang UniMAP uar-uarkan selama ini iaitu “**NURTURING ENTREPRENEURIAL MINDS**” *atau memupuk minda keusahawanan* telah menampakkan hasilnya di mana para pelajar UniMAP mengaplikasikan ilmu keusahawanan itu di FESTKON 8 ini.

Hadirin dan hadirat sekalian

### **PENUTUP**

10. Rasanya cukuplah setakat ini saja ucapan saya pada malam ini, di kesempatan ini, sekali lagi dengan tulus ikhlas, saya ingin mengucapkan jutaan terima kasih kepada semua yang terlibat dan sekalung tahniah sekali lagi buat seluruh jawatankuasa FESTKON 8 atas kejayaan menganjurkan program ini.

11. Segala permasalahan yang timbul pada program ini diharap dapat dikenalpasti dan ditambahbaik untuk penganjuran di tahun hadapan pula. Sebelum mengakhiri ucapan, izinkan saya menyampaikan serangkap pantun:

***Mengutip Teratai Di Tengah Paya  
Teratai Diletak Di Dalam Sampan  
FESTKON 8 Berada Di Penghujungnya  
Jumpa Lagi Di Tahun Hadapan***

Akhir kata, dengan lafaz Bimillah hirrahman nirrahim, **saya menutup Festival Konvokesyen Ke-8 UniMAP**, sekian,  
Wabillahitaufik                      Walhidayah                      Wassalamualaikum  
Warahmatullahiwabarakatuh.